

# INUIT ATAQATIGIIT

## INATSISARTUNI



UKA16/130  
26. sep 2016  
Kalistat lund

### **Aatsitassat pillugit ingerlatallu tamatumunnga pingaarutillit pillugit inatsisartut inatsisaata (aatsitassanut ikummatissamullu inatsit) allanngortinneqarneranik Inatsisartut inatsisaat nr.xx, yy 2016-imeersoq.**

(Aningaasaqarnermut Aatsitassanullu naalakkersuisoq)

Inuit Ataqatigiinni tunngaviatigut isumagaarput nunatsinni suulluunniit ineriertortinniakkat periarfissiuunneqarneranni, inuit maanni najugallit inorsinnagut ineriertortitseqataasinnaatillugillu maleruagassiuussinerit ilusilersorneqartassasut.

Inui Ataqatigiinni nuannaarutigaarput, inuiaqatigiit akornanni Inatsisartunilu kissaatigineqartoq, inuiaqatigiit annertunerusumik aatsitassanik pinnersaassiassanillu iluaquqeqarsinnaannerisa, inatsisitigut aporfeqannginnerusumik aaqqiivigineqartariaqarnera maanna ilusilersorlugu ingerlanneqalermat.

UPA-16-mi, Inatsisartunut ilaasortap, Peter Olsen-ip siunnersuutaa, tassalu ujaqqat nalituut, soorlu aligoqqiit, rubin-it il.il., allanit immikkoorsinnagut maanni nunami najugalinnit katarsorneqarsinnaalissasut, amerlanerussuteqartunit akuersissutigineqartoq maanna inatsisit allanngortinneranni piviusunngorsinnaalerpoq.

Siorna novemberimi Naalakkersuisut aaqqissugaannik, annikitsumik aatsitassarsiornermut tunngasunik soqtiginnittut isumasioqatigiisinneqarnerannit, inatsisini aatsitassarsiornermut tunngasuni nalimmassarneqartariaqartutut tikkuartorneqarsimasut tusaaniarlugit Naalakkersuisut matumanit inatsisiniq allannguisoqalernerani aamma taakku ilanngussimammatigit isumaqatigaarput.

Kisemaassisssaatitaanermik pigisaqartut akuersinerigut, nunaminertami tunniunneqarsimasumi, annikitsumik aatsitassarsiorniartut aamma periarfissinneqarsinnaannerat tunngaviatigut isumaqatigaarput. Isumaqarpugut nalilersugassaqqittooq kisremaasisssaatitaanermik pigisaqartup kisiimilluni tamanna aalajangigassarissaneraa. Isumaqarpugut kisremaasisinnaanissamik tunisinissamut atasumik nalilersuinermi tamanna aamma sammineqarsinnaassassasoq, apeqqusiinertaqanngitsumik qinnuteqartut kisiisa aalajangisussanngortinngikkaluarlugit.

Maanni nunami najugallit aatsitassanik ujaqqanillu nalilinnik iluaquqeqarsinnaannerannut aporfiusinnaasut annikinnerpaaffimmittariaqarmata, inatsisit nalimmassarneqartarnissaat pisariaqarpoq. Naalakkersuisut siunnersuutaa tunngaviatigut isumaqatigaarput, aappassaaneerneqartinnaguli ataatsimiitsitaliami susassaqartumi suliarineqarnissaa siunnersuutigaarput.